

ТАСДИҚЛАЙМАН
Ўзбекистон матбуот ва ахборот
агентлиги Хайъати раиси
Ўринбосари



К.Мансуров

январь

Ўзбекистон матбуот ва ахборот агентлиги
Хайъатининг кенгайтирилган йиғилиши
БАЁНИ

2017 йил “ 23 ” январь

№ 2.

Тошкент шаҳри

Раислик қилувчи: К.Т.Мансуров - Ўзбекистон матбуот ва ахборот агентлиги
Хайъати раиси ўринбосари

Қатнашганлар:

С.Шукуров - Ўзбекистон Республикаси Вазирлар Маҳкамасининг Ёшлар
сиёсати, маданият, ахборот тизимлари ва телекоммуникациялар
масалалари ахборот-таҳлил департаменти масъул ходимлари

Ўзбекистон матбуот ва ахборот агентлиги марказий аппарати таркибий бўлинмалари
рахбарлари, худудий бошқарма бошлиқлари ва масъул ходимлари ҳамда тизимдаги
корхона, ташкилотлар раҳбар ва масъул ходимлари (рўйхат бўйича).

**Ўзбекистон матбуот ва ахборот агентлиги ҳамда унинг тизимидаги корхона ва
ташкilotларда “Соғлом она ва бола йили” Давлат дастурида белгиланган
вазифаларнинг бажарилиши ҳақида**

*(Мансуров, Муродов, Миркомиллов, Мамаюсунов, Усмонова, Акрамова, Қан, Хашимов,
Ҳамдамов, Урунов, Ташмурадов, Зоиров, Оманов.)*

Мамлакатимизда 2016 йил – “Соғлом она ва бола йили” деб эълон қилиниши
муносабати билан “Соғлом она ва бола йили” Давлат дастурини амалга ошириш
бўйича Республика комиссиясининг 2016 йил 15 февралдаги Ўзбекистон
Республикаси Президентининг 2016 йил 9 февралдаги “Соғлом она ва бола йили”
Давлат дастури тўғрисида”ги ПҚ-2487-сон Қарори ижросини таъминлаш чора-
тадбирларини белгилашга бағишланган 26-сон йиғилиши баёнига мувофиқ
Агентликнинг жорий йил 3 мартда чиқарилган 59-сон буйруғи билан “Соғлом она ва
бола йили” Давлат дастурини амалга оширишга қаратилган тармок дастури”
тасдиқланди.

Шу билан бирга, жорий йил 22 февралда Ўзбекистон матбуот ва ахборот
агентлигининг “Соғлом она ва бола йили” Давлат дастурининг XI. “Оммавий ахборот
воситалари, шу жумладан электрон ахборот воситаларининг ва Интернет
тармоғининг имкониятларидан фаол фойдаланган ҳолда “Соғлом она ва бола йили”
Давлат дастурининг максадлари ва вазифалари ҳамда Дастурнинг амалга оширилиши
тўғрисида кенг ахборот-тушунтириш ишларини ташкил этиш” йўналишида

белгиланган вазифаларни ОАВ ва тизимдаги нашриёт-матбаа ижодий уйлари билан ҳамкорликда аҳолига кенг тушунтиришга қаратилган тарғибот дастури тасдиқланиб, ижросини ташкил этиш чоралари кўрилди.

Юқоридаги буйруқ билан тизимдаги корхона ва ташкилотлар раҳбарларига ўз режаларини ишлаб чиқиш, ижросини таъминлаш ҳамда амалга оширилаётган ишлар тўғрисида ҳар ойнинг 20-санасига қадар Агентликка ахборот бериш топширилди. Мазкур ҳужжатлар асосида тизимдаги корхона ва ташкилотларда ҳам тегишли чора-тадбирлар белгиланди.

Ўзбекистон Республикаси Президенти қарорининг 3-бандида Ўзбекистон матбуот ва ахборот агентлигига Ўзбекистон миллий телерадиокомпанияси, Ўзбекистон миллий ахборот агентлиги билан ҳамкорликда:

босма ва электрон оммавий ахборот воситалари, шу жумладан, интернет-ресурсларни жалб этган ҳолда, аҳоли ўртасида “Соғлом она ва бола йили” Давлат дастурининг мақсад ва вазифалари, уни амалга ошириш бўйича асосий йўналишлар ва чора-тадбирлар мунтазам ва кенг кўламда ёритилишини;

давлат ва хўжалик бошқаруви органлари, жойлардаги давлат ҳокимияти органлари, фуқароларнинг ўзини ўзи бошқариш органлари ва нодавлат ношароат ташкилотларининг Давлат дастурида назарда тутилган тадбирларни амалга оширишдаги иштироки ва кўшган аниқ ҳиссасини ақс эттирган ҳолда, Давлат дастурининг бажарилиши ҳақида кенг жамоатчиликни мунтазам хабардор қилиб боришни таъминлаш вазифаси белгиланган.

Ўзбекистон миллий ахборот агентлиги, Ўзбекистон матбуот ва ахборот агентлиги, Ўзбекистон миллий телерадиокомпанияси, “Халқ сўзи” “Народное слово”, “Правда Востока” газеталари таҳририятларининг “Соғлом она ва бола йили” Давлат дастури мазмун-моҳиятини очиқ беришга қаратилган мақола ва материаллар, телекўрсатув ва радиоэшиттиришларнинг кўшма-режаси” ишлаб чиқилди.

“Соғлом она ва бола йили” Давлат дастурининг мақсад ва вазифалари тўғрисида кенг миқёсли тушунтириш ишларини таъминлаш мақсадида оммавий ахборот воситаларига “2016 йил – Соғлом она ва бола йили”, “Соғлом бола - соғлом оила меваси”, “Болалар спорти”, “Соғлом бола – келажагимиз”, “Буюк аجدодларимиз”, “Соғлом оила”, “Никоҳ ва оила”, “Таълим ва ёшлар”, “Маҳалла ҳар бир бола учун масъул”, “Фарзандлари соғлом юрт”, “Соғлом муҳит – соғлом оила”, “Ота-оналар университети”, “Аёл, оила ва жамият”, “Замонавий ҚВП” каби махсус рўнларни ташкил қилиш юзасидан тавсия берилди. Тавсиялар асосида ушбу мавзу етакчи мавзу сифатида, оммавий ахборот воситаларининг ихтисослашуvidан қатъи назар, мунтазам ёритиб борилмоқда.

Материалларда Давлат дастурида белгиланган вазифаларни ижросига оид маълумотлар ёритилиб келмоқда. Республика оммавий ахборот воситаларида жорий йилнинг тўққиз ойида “Соғлом она ва бола йили” Давлат дастури ижросига бағишланган 27 мингдан ортиқ (шу жумладан, Агентлик муассислигидаги газета-журналларда 500 дан ортиқ) кўрсатув, эшиттириш, лавҳа, мақола, шарҳ, очерк, хабар каби жанрлардаги материаллар эълон қилинди.

Давлат дастурининг 81-бандида белгиланган Агентлик тизимидаги “Ўзбекистон” НМИУ томонидан 2016 йил – “Соғлом она ва бола йили” муносабати билан Ўзбекистон Республикаси Президенти Ислам Каримовнинг Ўзбекистон Республикаси Конституциясининг 23 йиллигига бағишланган тантанали йиғилишдаги маърузасини ўз ичига олган “Асосий вазифамиз – жамиятимизни ислоҳ этиш ва демократлаштириш, мамлакатимизни модернизация қилиш жараёнларини янги босқичга кўтаришдан иборат” рисоласи ўзбек тилида 10.000, ўзбекча-рус тилида

10.000 нусхада, “Соғлом она ва бола йили” Давлат дастури ўзбек-рус тилида 1000 нусхада (28,74 млн. сўм) нашр этилди.

Бундан ташқари, Агентликка Давлат дастурининг 60, 65, 81, 82, 88-бандларида қатор вазирлик ва идоралар, жамоат ташкилотлари билан ҳамкорликда соғлом она ва болани камолга етказишга ҳисса қўшишга қаратилган босма маҳсулотларини нашр этиш юзасидан тегишли вазифалар юклатилган.

Фуқароларнинг ўзини ўзи бошқариш органлари ва таълим муассасаларининг аҳолининг барча қатламлари орасида соғлом ва баркамол авлодни тарбиялаш, оилани мустаҳкамлаш, юксак ахлоқий-маънавий кадриятларни асраш, ёшларга соғлом турмуш тарзини сингдириш бўйича кенг қўламли тушунтириш ишларини олиб бориш мақсадида “Соғлом она –соғлом бола” (3 номда) китоблар тўплами “Ижод” фонди томонидан нашр этилди.

Шунингдек, тизимдаги корхоналар томонидан аҳоли барча қатламлари ўртасида “Соғлом она ва бола йили” Давлат дастурининг йўналишлар бўйича мақсад ва вазифалари ҳақида кенг тушунтириш ишларини ташкил қилинди.

“Соғлом она ва бола йили” Давлат дастури доирасида “Ўзбекистон” НМИУ томонидан Р.Раҳимованинг “Лой ва пластинадан нарсаларни ясашни ўрганамиз”, О.Тохирнинг “Мақтанчоқ мушук”, О.Даминнинг “Доно чол” китоблари; “Ўқитувчи” НМИУ томонидан С.Носирхўжаевнинг “Ўзбекистон – буюк алломалар ватани”, Т.Ҳайитнинг “Буюк салоҳият соҳиби”, Ҳ.Раҳимовнинг “Ўзбек халқ эртақлари” (немис тилида), Н.Бикбаеванинг “Догоним Пифогора!”, А.Обиджоннинг “Қизганчик футболчилар”, О.Вульфнинг “Родничок”, Х.Каримбердиевнинг “Лайлохоннинг эртаги”, А.Пушкиннинг “Сказки”, Т.Адашбоевнинг “Қирк ёлгондан бир ёлгон” китоби, М.Алининг “Амир Темур қалбида чакнаган нур”, С.Шоумаровнинг “Қандли диабетда табиий даволар”, 9 номдаги плакатлар тўпламлари; Гафур Ғулом номидаги НМИУ томонидан Олмоснинг “Сайланма”си, Ғ.Ғуломнинг “Шум бола” ва “Танланган асарлар”и, Яйра Саъдуллаеванинг “Кулчаой қочиб кетди”. И.Зойирнинг “Қуёш болалари”, Миркарим Осимнинг “Тўмарис”, “Широк”, “Зулмат ичра нур”, “Жайхун устида булутлар”, “Жаҳон болалар адабиёти” сериясининг 4 та жилди, И.Зойирнинг “Қуёш болалари” китоблари; Чўлпон номидаги НМИУ томонидан “Олтин ковуш”, “Олтин бешик”, “Сказка для малышей”, “Болалар учун ўзбек халқ эртақлари” (18 номда) китоблари, “Ўзбекистон миллий энциклопедияси” ДИН томонидан “Минг бир сўзни биламан” расми изоҳли луғати каби китоблар нашр этилди. Ушбу нашрлар учун тизимдаги корхоналар томонидан 750,0 млн. сўмдан ортик маблағ сарфланди.

Шунингдек, “Ўзбекистон миллий энциклопедияси” давлат-илмий нашриёти томонидан “Ёш ота-онага” номли илмий-оммабоп адабиёт, “Болакай нидоси” китоби, шунингдек режадан ташқари, Л.Раҳматовнинг хорижий давлатлар тажрибалари мисолидаги “Соғлом она ва бола” китоблари тайёрланди.

Бундан ташқари, Агентлик тизимидаги нашриёт-матбаа ижодий уйлари томонидан 2016-2017 ўқув йили учун умумтаълим мактаблари ўқувчиларига жами 204 номда, 17691,0 минг нусхадаги қисми (28531,1 млн. сўм) чоп этиб берилди.

Ўзбек адабиётини оммалаштириш ва аҳолини жаҳон адабиётининг ноёб дурдоналари билан таништириш мақсадида барча минтақаларда, уларда биринчи навбатда миллий бадиий адабиётларни сотиш мақсадида “Китоб олами” китоб дўконлари тармоқларини очиш ишлари олиб борилди. Ўтган йилда Қорақалпоғистон Республикасининг Нукус ва Тошкент вилоятининг Чирчик шаҳарлари, Андижон, Наманган, Фарғона, Самарқанд, Хоразм, Жиззах шаҳарларида мажмуалар фойдаланишга топширилди.

Ҳайъат йиғилиши кун тартибидаги масала буйича берилган маълумотлар ва билдирилган фикр-мулоҳазалар муҳокамаси асосида қарор қилинди:

1. **Оммавий ахборот воситалари ва нашриётлар фаолиятини мувофиқлаштириш бошқармаси (Муродов)нинг** “Ўзбекистон матбуот ва ахборот агентлиги ҳамда унинг тизимидаги корхона ва ташкилотларда “Соғлом она ва бола йили” Давлат дастурида белгиланган вазифаларнинг бажарилиши ҳақида”ги ахбороти маълумот учун қабул қилинсин.

2. **Агентлик бошқарма ва бўлимлари, корхона ва ташкилотлар, ҳудудий бошқармалар раҳбарлари** “Халқ билан мулоқот ва инсон манфаатлари йили” Давлат дастурининг ишлаб чиқилиши ва амалга оширилишида фаол иштирок этсин.

Амалга оширилган ишлар натижалари юзасидан **хар ойнинг 20-санасига** Агентликка маълумот киритиб бориши белгилансин.

Вазирлар Маҳкамасининг 2017 йил 6 январдаги 08-08-8 сон баёнида Агентликка юклатилган вазифалар ижроси ҳамда Агентлик тизимидаги НМИУларнинг 2016 йил бўйича мавзу режаларининг ижроси ва 2017 йил мавзу режаларини шакллантириш масалалари ҳақида.

(Мансуров, Муродов, Миркомиллов, Мамаюсупов, Усмонова, Акрамова, Қан, Хашимов, Ҳамдамов, Урунов, Ташмурадов, Оманов.)

Ўзбекистон матбуот ва ахборот агентлиги ҳамда тизимдаги корхона ва ташкилотларнинг 2016 йил якуни фаолиятида Республикамиз Президентининг соҳа ривожига йўналтирилган қарорлари, фармонлари, Ҳукуматимиз томонидан белгиланган вазифа ва топшириқларнинг бажарилишини таъминлаш, республика аҳолисини замон талабига мос адабий-бадиий, болалар, ижтимоий-сиёсий, илмий-оммабоп ва энциклопедик адабиётларга, таълим муассасаларини эса турли ўқув дарсликлари, қўлланмалари ва бошқа босма маҳсулотларга бўлган эҳтиёжини янада тўлароқ қондиришга қаратилди.

Ҳисобот даврида Агентлик тизимидаги нашриёт-матбаа ижодий уйларида нашр этилган 959 номдаги жами 22,4 млн. нусхадан зиёд, турли йўналишдаги китоблар юртимиз ёшларини миллий истиқлол ғоясига садоқат руҳида тарбиялаш, маънавиятини юксалтириш, келажагимиз эгаларини жаҳон илм-фани, таракқиёти наъмуналари билан таништириш, интеллектуал салоҳиятини шакллантириш, аҳолининг бадиий, маънавий-маърифий, ижтимоий-сиёсий, ҳуқуқий ва илмий даражасини оширишга қаратилганлиги билан эътиборлидир.

Жумладан, “Ўзбекистон” НМИУда тугалланаётган 2016 йилда 378 номдаги 9,5 млн. нусха, Ғафур Ғулом номидаги НМИУда 279 номдаги 3,9 млн. нусха, “Ўқитувчи” НМИУда 105 номдаги 3,5 млн. нусха, “Ўзбекистон Миллий энциклопедияси” давлат илмий нашриётида 52 номдаги 2,5 млн. 244 нусха, Чўлпон номидаги НМИУда 145 номдаги 2,7 млн. 313 нусхадаги китоблар нашр этилди.

Бу борада айниқса, юртимиздаги ижтимоий-иқтисодий ислохотлар моҳиятини очиқ берадиган, бугунги ютуқларимиз негизини ташкил этувчи ҳуқуқий демократик давлат қуриш йўлидаги ҳуқуқий ислохотларимизга бағишланган адабиётларнинг аҳамияти бекиёсдир.

Хусусан, бу йил республикамиз ҳаётида бўлиб ўтган унутилмас воқеалар, хусусан, Ўзбекистон Мустақиллигининг 25 йиллиги, Ўзбекистон Республикаси Президентлигига сайлов жараёнларида тизимдаги нашриёт –матбаа ижодий уйлари ҳам фаол иштирок этганликларин алоҳида эътироф этиш жоиз.

Жумладан, “Ўзбекистон” нашриёт-матбаа ижодий уйи томонидан Ўзбекистон Республикаси Биринчи Президенти И.Каримовнинг “Эришган марралар билан чегараланмасдан, бошлаган ислохотларимизни янги босқичга кўтариш-бугунги кундаги энг долзарб вазифамиздир”, “Она юртимиз бахту икболи ва буюк келажаги йўлида хизмат қилиш – энг олий саодатдир” номли китоблари, Президент Ш.Мирзиёевнинг 2016 йил 1 ноябрдан 24 ноябрга қадар Қорақалпоғистон Республикаси, вилоятлар ва Тошкент шаҳри сайловчилари билан ўтказилган сайловолди учрашувларида сўзланган нутқлари ўрин олган “Буюк келажагимизни мард ва олижаноб халқимиз билан бирга курашимиз” деб номланган китоби, Президентнинг 2016 йил 7 декабрь куни Ўзбекистон Республикаси Конституцияси қабул қилинганининг 24 йиллигига бағишланган тантанали маросимдаги маърузаси асосидаги “Қонун устуворлиги ва инсон манфаатларини таъминлаш-юрт тараққиёти ва халқ фаровонлиги гарови” китоби, ҳамда Ўзбекистон Республикаси Президенти лавозимига киришиш тантанали маросимига бағишланган Олий Мажлис палаталарининг қўшма мажлисидаги нутқи ўрин олган “Эркин ва фаровон, демократик Ўзбекистон давлатини биргаликда барпо этамиз” номли китоблари юртимиз ижтимоий-сиёсий, маънавий ҳаётидаги улкан воқеа сифатида қабул қилинди. Шунингдек, тизимдаги НМИУларда 2016 йил - “Соғлом она ва бола” Давлат дастурига бағишланган 30 дан зиёд номдаги китоблар чоп этилди.

Нашр этилган китобларнинг мавзу ва йўналишлари, таҳлил этилганда, нашриётлар ўз йиллик режаларида белгиланган барча йўналишларда фаол бўлганлиги кўринади. Биргина “Ўзбекистон” НМИУ мисолида айтиладиган бўлса, жорий йилда, мазкур нашриёт ижодий жамоаси 44 номдаги ижтимоий-сиёсий адабиётларни, 154 номдаги адабий-бадиий адабиётларни, 41 номдаги болалар адабиётини, шунингдек 28 номдаги илмий-омабоп йўналишдаги китобларни ўқувчилар ҳукмига ҳавола этди.

Ғ.Ғулом номидаги НМИУ эса “Адабий мерос”, “Жаҳон адабиёти жавоҳирлари”, “Ижтимоий-сиёсий ҳаёт ва адабиётшунослик”, “Болалар адабиёти” каби ўндан ортиқ рукнларда 100 дан ортиқ номдаги кенг ўқувчилар оммаси орасида эътироф этилган маълум ва машҳур асарларни, шу билан бирга бугунги ўзбек адабиётининг адабий салоҳияти ва ўзига хослигини намоён этадиган бадиий асарларни чоп этди.

Ўқувчиларнинг маънавий эҳтиёжини қондириш борасида “Ўқитувчи” НМИУда нашр этилган Ў.Ҳошимовнинг “Икки эшик ораси”, Х.Раҳимовнинг немис тилида нашр этилган “Ўзбек халқ эртақлари”, болаларга бағишланган Т.Адашбоевнинг “Қирқ ёлғондан бир ёлғон”, А.Обиджоннинг “Қизғанчик футболчилар” каби нашрларни ҳам тилга олиб ўтиш мумкин.

Чўлпон номидаги НМИУда республикамиз мустақиллигининг 25 йиллиги муносабати билан чоп этилган Ғ.Мирзо қадамига мансуб “Мустақилликнинг залворли одимлари” номли 2 жилдик китоб мамлакатимизда истиклолнинг илк кунидан буён ўтган чорак аср мобайнида амалга оширилган барча бунёдкорлик ишлари, ижтимоий-сиёсий жараёнларнинг теран журналистик таҳлилга тортилганлиги билан эътиборли бўлди. Ушбу нашриётнинг йиллик сарҳисобига эътибор қаратилса, 56 номдаги дарслик ва ўқув қўлланмаларидан ташқари, 44 номдаги бевосита болалар адабиёти, 20 номдаги бадиий асарлар, 2 номдаги ижтимоий-сиёсий асарлар нашр этилганилиги кўринади. Демак, НМИУ ўтган йилги фаолиятини танқидий жиҳатдан тўғри баҳолаб, факат эртақлар билан чекланиб қолмасдан мавзулар доирасини ҳам, ўқувчилар аудиториясини ҳам кенгайтириш йўлига ўтди.

2016 йилда юртимизда кенг нишонланган Амир Темур таваллудининг 680 йиллиги, Алишер Навоий таваллудининг 575 йиллиги ҳамда атоқли бастакор М.Бурҳоновнинг 100 йиллиги, Халқ шоири, Ўзбекистон Қаҳрамони Э.Воҳидов

таваллудининг 80 йиллиги муносабати билан тизимдаги деяри барча НМИУлар томонидан 20 га яқин номдаги китоблар нашр этилди.

Юкоридагилардан келиб чиқиб, тизимдаги НМИУларнинг 2016 йилги мавзу режаларини амалга ошириш борасидаги фаолиятини кониқарли, деб баҳолаш мумкин. Лекин, эришилган ютуқлар бароборида ҳал этилишини кутиб турган талайгина муаммолар ҳам бор. Хусусан, ханузгача босма нашрлар умумий салмогида болалар адабиётининг, жумладан уларнинг интеллектуал слоҳиятини оширишга қаратилган илмий-маърифий адабиётларнинг, жаҳон адабиёти дурдоналарининг, энциклопедик нашрлар улуши камчилигича қолмоқда. Шу билан бирга китобларни жойларга етказиш борасида, НМИУларнинг маркетинг бўлимлари иши, китобларнинг босма ОАВлардаги, радио ва телевидениедаги тарғиботи масаласи талаб даражасида эмас.

Бу борада Ғ.Ғулом номидаги НМИУ, “Ўзбекистон” НМИУ ижодий жамоасининг турли босма ОАВлардаги рекламалари, мазкур нашриётларнинг китобларига берилган айрим тақризлар, ҳамда радио-теледастурлардаги чиқишларини кўрсатиб ўтиш мумкин ҳолос.

Ҳолбуки, Республикамиз Президенти Ш.Мирзиёевнинг йил якунида бўлиб ўтган ҳукумат мажлисларидаги чиқишлари, қолаверса, жорий йилнинг 12 январида қабул қилинган “Китоб маҳсулотларини чоп этиш ва тарқатиш тизимини ривожлантириш, китоб мутолааси ва китобхонлик маданиятини ошириш ҳамда тарғибот қилиш бўйича Комиссия тузиш тўғрисида”ги Фармойиши соҳамизда амалга оширилаётган ишлар кўламини янада кенгайтиришни, ўз вазифаларимизга янада масъулият билан қарашимизни, мавжуд муаммоларни бартараф этиш юзасидан кескин ва тезкор чораларни кўришимизни тақозо этмоқда.

Шунинг учун агентлик тизимидаги барча НМИУлар раҳбарларидан жорий 2017 йилги мавзу режаларини тузишда, ва умуман НМИУлар фаолиятини ташкиллаштиришда юкоридаги Фармойишда кўзда тутилган устувор вазифаларни самарали амалга оширишга эътибор қаратишлари талаб этилади.

Ҳайъат йиғилиши кун тартибидаги **масала** буйича берилган маълумотлар ва билдирилган фикр-мулоҳазалар муҳокамаси асосида **қарор қилинди**:

1. Оммавий ахборот воситалари ва нашриётлар фаолиятини мувофиқлаштириш бошқармаси (Муродов)нинг “Агентлик тизимидаги НМИУларнинг 2016 йил бўйича мавзу режаларининг ижроси ва 2017 йил мавзу режаларини шакллантириш масалалари ҳақида”ги ахбороти маълумот учун қабул қилинсин.

2. Оммавий ахборот воситалари ва нашриётлар фаолиятини мувофиқлаштириш бошқармаси (Муродов)га:

Халқ таълими вазирлиги, Ўрта махсус, касб-хунар таълими маркази, Ўзбекистон Ёзувчилар уюшмаси масъул ходимлари билан ҳамкорликда **бир ой муддатда** ўқувчи-ёшлар орасида китоб ўқишга бўлган кизикишни кучайтириш, уларни китоб билан дўст бўлиши, китоб мутолааси ва китобхонлик маданиятини оширишда таниқли ёзувчи ва шоирлар билан ўқувчиларнинг ижодий учрашувларини тизимли равишда ташкил этиш юзасидан тақлиф ишлаб чиқиши, тасдиқлаш учун Вазирлар Маҳкамасига киритишида фаол иштирок этсин.

Ўзбекистон миллий ахборот агентлиги, Ўзбекистон миллий телерадиокомпанияси билан ҳамкорликда **бир ой муддатда** “Халқ билан мулоқот ва инсон манфаатлари йили” мазмун-моҳиятини очиб беришга қаратилган мақола ва материаллар, телекурсатув ва радиоэшиттиришларнинг медиа-режасини ишлаб чиқилсин ва ижросини таъминлансин. Амалга оширилган ишлар ҳақида **ҳар чорак якуни билан** Вазирлар Маҳкамасига ахборот киритиб борилсин.

Бир ой муддатда Маданият ва спорт ишлари вазирлиги, **Корақалпоғистон Республикаси, вилоятлар хокимликлари**, ва “Камолот” ЁИХ билан ҳамкорликда ҳар бир тумунда биттадан маданият ва аҳоли дам олиш марказларида намунавий кутубхоналар ташкил қилиш чораларини кўриш ҳамда улар фаолиятини олиб бориш бўйича амалий семинар ўтказишга катнашувчилар руҳатини тайёрлаб киритилсин.

Бир ой муддатда Миллий ғоя ва мафкура илмий-амалий маркази, Республика маънавий тарғибот маркази, “Камолот” ЁИХ, Ўзбекистон миллий телерадиокомпанияси, Ахборот технологиялари ва коммуникацияларини ривожлантириш вазирлиги ҳамда тегишли вазирлик ва идоралар билан ҳамкорликда маънавий таҳдид ва хатарларнинг олдини олишга, миллий мафкуравий иммунитетни шакллантиришга ҳамда ёш авлодни маънавий ва ахлокий жихатдан камол топишига қаратилган комплекс чора-тадбирлар режасини ишлаб чиқилишига яқиндан фаол катнашиши кўрсатиб ўтилсин.

3. “Ўзбекистон” (М.Зайтаев), “Ўқитувчи” (Р.Худойкулов), Ғафур Ғулом номидаги (Л.Тангриев), Чўлпон номидаги (У.Ишмухаммедов) нашриёт-матбаа ижодий уйлари ва Ўзбекистон Миллий энциклопедияси” ДИН (Қ.Маҳкамов) ва худудий бошқармалар раҳбарларига:

2017 йилги нашр режаларини тузишда, умуман нашриётлар фаолиятини ташкиллаштиришда Ўзбекистон Республикаси Президенти Ш.Мирзиёевнинг 2017 йил 12 январда қабул қилинган “Китоб маҳсулотларини чоп этиш ва тарқатиш тизимини ривожлантириш, китоб мутолааси ва китобхонлик маданиятини ошириш ҳамда тарғибот қилиш бўйича Комиссия тузиш тўғрисида”ги Фармойишида белгиланган вазифалардан келиб чиқиш зарурлиги таъкидлансин.

Кейинги йилларда нашр этилаётган дарслик ва ўқув қўлланмалар, болалар учун мўлжалланган бадиий адабиётларда имло хатоларга, шунингдек, тарихий саналар, муҳим воқеалар билан боғлиқ маълумотларда жиддий хатоликларга йўл қўйилаётганлиги **кўрсатиб ўтилсин** ва келгусида бундай салбий ҳолатларга йўл қўйган дарсликлар, ўқув қўлланмалари муаллифлари ҳамда масъул ходимлар, нашр учун масъулларга нисбатан интизомий чоралар кўрилиши юзасидан қатъий **огоҳлантирилсин.**

Нашриёт матбаа ижодий уйларида :

Китоб маҳсулотларини чоп этиш ҳамда аҳолига етказиб бериш, китоб тарқатиш тизимини янада ривожлантириш;

Нашриёт ва матбаа корхоналарнинг моддий-техник базасини мустаҳкамлаш, китоб савдосига ихтисослашган дўконлар фаолиятни қўллаб-қувватлашда фаол иштирок этиш;

Ноширлар ва адибларни молиявий рағбатлантириш мақсадида уларга тўланаётган муаллифлик ҳақи миқдорини белгилаш механизминини такомиллаштириш бўйича асосли таклифларни ишлаб чиқиш;

болалар адабиётига ойда нашрлар салмоғини ошириш;

шунингдек, жаҳон адабиётининг энг сара намуналарини ўзбек тилига ва ўзбек адабиётининг энг яхши асарларини чет тилларига таржима қилиш йўналишидаги нашрларга алоҳида эътибор қаратилсин.

Тизимдаги НМИУ лари ва “Ўзбекистон Миллий энциклопедияси “ ДИН раҳбарларига 2017 йил мавзу режалари лойиҳасини жорий йилнинг 30 январига қадар Агентликка киритиш вазифаси топширилсин.

4. Тизимдаги НМИУ лари ва “Ўзбекистон Миллий энциклопедияси “ ДИН раҳбарларига китобларни жойларга етказиш борасида, НМИУларнинг маркетинг бўлимлари иши кониқарсизлиги, китобларнинг босма ОАВлардаги, радио ва

телевидениедаги тарғиботи масаласи оқсаётганлиги кўрсатиб ўтилсин. ва улар ушбу камчиликларни бартараф этиш чораларини кўрсин.

Ўзбекистон Республикаси Президентининг 2015 йил 15 майдаги “Хусусий мулк, кичик бизнес ва хусусий тадбиркорликни ишончли ҳимоя қилишни таъминлаш, уларни жадал ривожлантириш йўлидаги тўсиқларни бартараф этиш чора-тадбирлари тўғрисида”ги ПФ-4725-сон қарори ижросини таъминлаш мақсадида Агентликнинг давлат хизматларини интерактив кўринишга ўтказиш, ноширлик, ОАВ ва матбаа соҳаларидаги юридик ва жисмоний шахслардан келиб тушадиган аризаларнинг маълумотлар базасини яратиш, қайта ишлаш ва кўриб чиқиш учун ягона автоматлаштирилган тизим ишлаб чиқиш ва иш жараёнига татбиқ этиш борасида.

(Мансуров, Ҳамдамов, Миркомиллов, Мамаюсупов, Муродов, Усмонова, Акрамова, Кан, Хашимов, Урунов, Ташмурадов, Ҳусанов, Оманов.)

Ўзбекистон Республикаси Президентининг 2015 йил 15 майдаги “Хусусий мулк, кичик бизнес ва хусусий тадбиркорликни ишончли ҳимоя қилишни таъминлаш, уларни жадал ривожлантириш йўлидаги тўсиқларни бартараф этиш чора-тадбирлари тўғрисида”ги ПФ-4725 сон фармон ижросини таъминлаш мақсадида Агентликнинг давлат хизматларини интерактив кўринишга ўтказиш, ноширлик, ОАВ ва матбаа соҳаларидаги юридик ва жисмоний шахслардан келиб тушадиган аризаларнинг маълумотлар базасини яратиш, қайта ишлаш ва кўриб чиқиш учун ягона автоматлаштирилган тизим ишлаб чиқиш ва иш жараёнига татбиқ этиш борасида. Агентлик ўз давлат хизматларини инвентаризациядан ўтказиб, Ягона интерактив давлат хизматлари порталига регламентларини жойлаштирди.

Агентлик томонидан кўрсатиладиган давлат хизматларини интерактив кўринишга ўтказиш, ноширлик, ОАВ ва матбаа соҳаларидаги юридик ва жисмоний шахслардан келиб тушадиган аризаларнинг маълумотлар базасини яратиш, қайта ишлаш ва кўриб чиқиш мақсадида ягона автоматлаштирилган тизим ишлаб чиқариш бўйича танлов эълон қилиниб, танлов натижаларига кўра маҳаллий дастурий таъминот ишлаб чиқарувчи корхона билан шартнома имзоланди.

Шартномага асосан Агентлик ахборот тизимиغا Техник топшириқ ишлаб чиқилди ва ўрнатилган тартибда Ахборот технологиялари ва коммуникацияларини ривожлантириш вазирлик қошидаги Эксперт комиссиясининг ижобий хулосаси (2015 йил 17 ноябрдаги Эз-18-8/6261 сонли хат) олинди.

Ахборот тизими ўз ичига Агентлик томонидан 3 та давлат хизматларининг аризаларини онлайн тарзда веб сайт ва Ягона интерактив давлат хизматлари портали орқали қабул қилади ва бу аризалар билан ишлаш жараёнини автоматизациялаштиради. Бундан ташқари аризалари рад этилганларнинг маълумотларини ҳам сақлайди. Реестрларни филтрация қилиш, хар хил жадвалларга ишлов бериш имкониятлари мавжуд бўлиб, реестрлар онлайн тарзда тўлдириб борилади.

Техник топшириқ ва имзоланган шартномага асосан, Агентлик томонидан кўрсатиладиган 3та давлат хизматлари, яъни ноширлик, матбаа ва ОАВларни 2016 йил мобайнида интерактив кўринишга ўтказиб Ягона интерактив давлат хизматлари порталига интеграция қилинди ва иш жараёнига татбиқ этилди.

Ишлаб чиқилаётган ахборот тизими 100 % очик дастурий код (Open Source) дастурлаш тили ва маълумотлар базасида яратилмоқда. Бу бизга нимани беради, кейинчалик ахборот тизимни янгилаш талаби қўйилса дастурий тилга ва маълумотлар базасига такрор лицензия сотиб олинмайди.

Бугунги кунда ахборот тизимига Агентлик реестрларини миграция қилиш ишлари олиб борилмоқда. Реестрлар шу кунгача WORD дастурида юритиб борилганлиги, айрим ҳолатларда хато ва камчиликлар борлиги сабабли иш жараёнига тадбиқ этиш ишлари секинлашмоқда.

Ҳайъат йиғилиши кун тартибидаги масала буйича берилган маълумотлар ва билдирилган фикр-мулоҳазалар муҳокамаси асосида қарор қилинди:

1. Ахборот-коммуникация технологияларини ривожлантириш бўйича махсус бўлими (Ў.Хамдамов)нинг Ўзбекистон Республикаси Президентининг 2015 йил 15 майдаги “Хусусий мулк, кичик бизнес ва хусусий тадбиркорликни ишончли ҳимоя қилишни таъминлаш, уларни жадал ривожлантириш йўлидаги тўсиқларни бартараф этиш чора-тадбирлари тўғрисида”ги ПФ-4725-сон қарори ижросини таъминлаш мақсадида Агентликнинг давлат хизматларини интерактив кўринишга ўтказиш, ноширлик, ОАВ ва матбаа соҳаларидаги юридик ва жисмоний шахслардан келиб тушадиган аризаларнинг маълумотлар базасини яратиш, қайта ишлаш ва кўриб чиқиш учун ягона автоматлаштирилган тизим ишлаб чиқиш ва иш жараёнига тадбиқ этиш ҳолати тўғрисидаги ахбороти маълумот учун қабул қилинсин.

2. Лицензиялашни ташкил этиш бошқармаси (А.Қан) 2017 йилнинг 1 февралигача реестрларни дастурчилар талабига мос шаклда (MS Excell) тайёрлаб берсин.

3. Ахборот-коммуникация технологияларини ривожлантириш бўйича махсус бўлими (Ў.Хамдамов) 2017 йилнинг 30 мартгача бўлган муддатда Агентлик ахборот тизимини иш жараёнига тадбиқ этиш чораларини кўрсин.

Худудий бошқармалар томонидан оммавий ахборот воситаларини давлат рўйхатига олишда Ўзбекистон Республикасининг “Оммавий ахборот воситалари тўғрисида”ги Қонуни, Ҳукуматнинг 2006 йил 11 октябрдаги “Ўзбекистон Республикасида оммавий ахборот воситаларини давлат рўйхатидан ўтказиш тартибини янада такомиллаштириш тўғрисида”ги 214-сон қарори талабларига риоя этилиши ҳамда 2017 йил 1 январь ҳолатига Давлат Реестрини тасдиқлаш ҳақида.

(Мансуров, Қан, Миркомиллов, Мамаюсупов, Муродов, Усмонова, Акрамова, Хашимов, Ҳамдамов, Урунов, Ташмурадов, Ҳусанов, Оманов.)

Ўзбекистонда оммавий ахборот воситалари фаолияти Ўзбекистон Республикаси “Оммавий ахборот воситалари тўғрисида”ги Қонуни, Вазирлар Маҳкамасининг 2006 йил 11 октябрдаги “Ўзбекистон Республикасида оммавий ахборот воситаларини давлат рўйхатидан ўтказиш тартибини янада такомиллаштириш тўғрисида”ги 214-сонли қарорига мувофиқ тартибга солинади ва мувофиқлаштириб борилади. Оммавий ахборот воситаларини рўйхатга олиш, қайта рўйхатдан ўтказишда Ўзбекистон Республикаси ахборот технологиялари ва коммуникацияларни ривожлантириш вазирлигининг Оммавий коммуникациялар соҳасидаги мониторинг маркази билан яқиндан ҳамкорлик қилиб келинмоқда.

Бугунги кунда республикада газета, журнал, ахборотнома-бюллетень, радио, телевидение, ахборот агентликлари, веб-сайтлар каби жами етти турдаги оммавий ахборот воситалари рўйхатга олинмоқда.

2017 йилнинг 1 январь ҳолатига кўра рўйхатга олиниб, давлат реестрига киритилган оммавий ахборот воситаларининг умумий сони **1514 тани** ташкил этади. Улардан 691 таси газета, 309 таси журнал, 15 таси ахборотнома-бюллетень, 4 таси ахборот агентлиги, 65 таси телевидение, 35 таси радио, 395 таси веб-сайтлардир.

2017 йилнинг 1 январига қадар Агентлик ва унинг худудий бошқармалари томонидан рўйхатдан ўтказиш бўйича жами 134 та (42 та босма, 92 та электрон

(радио, ТВ, веб-сайтлар) аризалар кўриб чиқилиб, амалдаги қонунчилик талабларига зид эмаслиги сабабли оммавий ахборот воситалари давлат рўйхатидан ўтказилиб тегишли гувоҳномалар берилди.

Иқтисодий танг аҳволда қолганлиги ҳамда турли сабабларга кўра фаолият кўрсатмаётганлиги учун 2016 йилда 35 та (25 та газета, 10 та журнал, 1 ахборотнома-бюллетень) босма, 5 та (4 та веб-сайт, 1 та телевидение) электрон ОАВларнинг чиқарилиши муассисларининг қарорларига кўра, шунингдек, 5 та газета, 1 та журнал, 1 телеканал фаолияти Агентлик даъво аризаларига мувофиқ Хўжалик Судлари қарорларига асосан тугатилиб, давлат реестридан чиқарилди. Қолган босма ва электрон ОАВлар томонидан йўл қўйилган қонунбузилиш ҳолатлари бартараф этилиб, оммавий ахборот воситалари таҳририятлари амалдаги қонун ҳужжатларига мувофиқ нашр этилиши ҳамда мажбурий нусхаларининг ўз вақтида етказилиши таъминланди.

Шунингдек, Агентлик ўз ваколати ва Оммавий коммуникациялар соҳасидаги Мониторинг маркази ҳулосалари асосида 2016 йилда соҳага оид амалдаги қонунчилик талабларини бузиб келган 90 дан ортиқ газета, 40 га яқин журнал, 40 дан ортиқ телеканал ва 7 та веб-сайт, жами 177 тага яқин оммавий ахборот воситаси таҳририятларига тақдимнома ва огоҳлантиришлар киритилиб, аниқланган қонунбузилиш ҳолатлари бартараф этилиши таъминланди.

Шунингдек, ҳудудий бошқармалар томонидан рўйхатга олинган босма оммавий ахборот воситалари “Ахборот эркинлиги принциплари ва кафолатлари тўғрисида”ги, “Оммавий ахборот воситалари тўғрисида”ги, “Давлат тили ҳақида”ги, “Ўзбекистон Республикасида ёшларга оид давлат сиёсатининг асослари тўғрисида”ги, “Истеъмолчиларнинг ҳуқуқларини ҳимоя қилиш тўғрисида”ги, “Реклама тўғрисида”ги қонунлар бошқа кўплаб норматив-ҳуқуқий ҳужжатлар талабларини бузаётгани бўйича кўплаб ҳолатлар қайд этилаётганлигига эътибор қаратиш зарур.

Босма оммавий ахборот воситаларини рўйхатга олиниши вилоятлар кесими бўйича таҳлил қилинганда қўйидаги натижалар кўзга ташланади. Андижон, Сурхондарё, Хоразм ва Навоий вилоятида 1 тадан, Бухоро ва Наманган вилоятида 3 тадан, Тошкент шаҳрида 4 та янги даврий нашр рўйхатга олинган. Қайд этилган кўрсаткичлар оммавий ахборот воситалари фаолияти ўсиш борлиги, ҳамда тадбиркорлар томонидан янги иш ўринларни яратишда амалий имкониятлар келтириб чиқараётганлигини кўриш мумкин.

Шунингдек, ҳудудий бошқармаларида Агентликнинг биринчи ярим йиллик иш режасига мувофиқ оммавий ахборот воситаларини давлат рўйхатидан ўтказилишида, Ўзбекистон Республикаси “Оммавий ахборот воситалари тўғрисида”ги Қонуни, Ҳукуматнинг 2006 йил 11 октябрдаги “Ўзбекистон Республикасида оммавий ахборот воситаларини давлат рўйхатидан ўтказиш тартибини янада такомиллаштириш тўғрисида”ги 214-сонли Қарори талабларини мақсадли ўрганиш режалаштирилган.

Ҳайъат йиғилиши кун тартибидаги **масала** бўйича берилган маълумотлар ва билдирилган фикр-мулоҳазалар муҳокамаси асосида **қарор қилинди:**

1. Лицензиялашни ташкил этиш бошқармаси (А. Кан)нинг Ўзбекистон Республикаси Вазирлар Маҳкамасининг 2006 йил 11 октябрдаги “Ўзбекистон Республикасида оммавий ахборот воситаларини давлат рўйхатидан ўтказиш тартибини янада такомиллаштириш тўғрисида”ги 214-сон қарорининг ижроси тўғрисидаги ахбороти маълумот учун қабул қилинсин.

2. Қорақалпоғистон Республикаси матбуот ва ахборот агентлиги, вилоятлар ҳамда Тошкент шаҳар матбуот ва ахборот бошқармаларида оммавий ахборот воситаларини рўйхатдан ўтказишда амалдаги қонунчилик талабларига қатъий риоя этилишини таъминлансин.

3. Лицензиялашни ташкил этиш бошқармаси (А. Кан), Оммавий ахборот воситалари ва нашриётлар фаолиятини мувофиқлаштириш бошқармаси (Муродов), Қорақалпоғистон Республикаси матбуот ва ахборот агентлиги, вилоятлар ҳамда Тошкент шаҳар матбуот ва ахборот бошқармалари бошликлари:

- низомда белгиланган муддатларда нашр этилмаётган ҳамда мунтазам равишда амалдаги қонунчилик талабларини бузиб келаётган оммавий ахборот воситаларига нисбатан ўз вақтида зарур чоралар кўриб, қонун ҳужжатлари талаблари бузилишини бартараф этилишини таъминласинлар;

- Оммавий коммуникациялар соҳасидаги мониторинг маркази билан бу борадаги ҳамкорлик фаоллаштирилсин.

Ўзбекистон матбуот ва ахборот агентлиги тизимидаги корхона ва ташкилотларда 2016 йилнинг 4-чорагида ижро интизомига риоя этилиши мониторинги якунлари, бу борада ҳудудий бошқармаларда ўтказилган мақсадли ўрганишлар натижалари тўғрисида ҳамда Агентликнинг 2016 йил II- ярим йиллик иш режаларида белгиланган вазифаларнинг бажарилиши ва 2017 йил I- ярим йиллик иш режаларини тасдиқлаш ҳақида

(Мансуров, Ташмурадов, Миркомиллов, Мамаюсунов, Муродов, Усмонова, Акрамова, Кан, Хашимов, Ҳамдамов, Урунов, Ҳусанов, Оманов.)

Агентликнинг 2016 йил 22 июль 6-сон Ҳайъат қарори ва 25 июль 234-сон буйруқ билан тасдиқланган 2016 йил II-ярим йиллик иш режаси Агентлик марказий аппарати барча бошқарма ва бўлимлари ҳамда тизимдаги корхона, ташкилотлар томонидан бажарилиши доимий назоратга олиниб, ярим йил якуни билан бажарилган ишлар умумлаштирилди ва таҳлил қилиниб ижроси таъминланганлиги борасида маълумот белгиланган муддатда Вазирлар Маҳкамасига тақдим этилди.

Ҳукуматнинг 1999 йил 12 январдаги “Ижро интизомини мустаҳкамлаш чоратадбирлари тўғрисида”ги 12-сон, 1999 йил 29 мартдаги “Ўзбекистон Республикаси давлат ҳокимияти ва бошқарув органларида иш юритиш ва ижро назоратини ташкил этиш бўйича норматив ҳужжатларни тасдиқлаш ҳақида”ги 140-сон Қарорлари талабларига мувофиқ, тизимдаги корхона ва ташкилотларда иш юритиш ва ижро интизомига риоя этилиши ҳолати юзасидан мақсадли мониторинг олиб борилди.

Жорий йилнинг II-ярим йили мобайнида Ўзбекистон Республикаси Қонунлари, Президент фармонлари, қарорлари, фармойишлари, Вазирлар Маҳкамаси қарорлари ва фармойишлари ўз вақтида ижрога олинди. Шунингдек, Ўзбекистон матбуот ва ахборот агентлиги раҳбарияти томонидан ўз вақтида жисмоний ва юридик шахсларнинг мурожаатлари кўриб чиқилиб, қонунда белгиланган муддатларда тегишли жавоблар қайтарилди.

Хусусан, Агентликнинг 2016 йил 8 ноябрдаги 44-х/с-сон буйруғига асосан, жорий йилнинг 9-11 ноябр кунлари “Ғафур Ғулум” номидаги НМИУ, Ўзбекистон Кўзи ожизлар босмаҳонаси ҳамда Тошкент вилоят матбуот ва ахборот бошқармасида Ўзбекистон Республикаси Вазирлар Маҳкамасининг 2015 йил 9 декабрдаги 99-в-сонли Раёсат мажлисида белгилаб берилган вазифалар ижроси, жойларда кадрлар салоҳияти, уларни жой-жойига қўйиш ва тўлиқ таъминлаш, бошқармаларнинг иқтисодий ва молиявий аҳволини яхшилаш, ахборот коммуникацион хизматлар доирасида ҳамда ижро интизомини мустаҳкамлаш борасида олиб борилаётган ишлар ҳамда Ўзбекистон Республикасининг қонунлари, соҳага оид фармон ва қарорлари ижроси бўйича мақсадли ўрганиш ўтказилди. Ўрганишлар натижаси Агентликнинг

2016 йил ноябр ойидаги кенгайтирилган йиғилишида муҳокама этилиб, раҳбар ва масъул ходимларга нисбатан интизомий жазо чоралари кўрилди.

Шунингдек, жорий йилнинг декабр ойида Ўзбекистон Республикаси Вазирлар Маҳкамасининг 2016 йил II ярим йиллик Иш режасига мувофиқ, Ўзбекистон Матбуот ва ахборот агентлиги марказий аппарати, унинг таркибий бўлинмаларида иш юритиш ва ижро нозоратини ташкил этиш, жисмоний ва юридик шахслар мурожаатлари билан ишлаш ҳолати ўрганилди, ўрганишда, Вазирлар Маҳкамасининг ижро интизомини мустаҳкамлаш масалалари бўйича ўтказилган йиғилишларида берилган топшириқларни муҳокама этиш, зарур чора-тадбирларни белгилаш ва амалга ошириш бўйича муайян ишлар олиб борилганлиги, 2015 йилда 4 марта, шунингдек 2016 йил 1 декабрь ҳолатига 3 марта Ҳайъат мажлисларида ижро интизоми аҳволи каттик муҳокама этиб борилган, 2015 йилда Агентликнинг марказий аппарати 17 нафар, 2016 йил 1 декабрь ҳолатига эса 12 нафар раҳбар ва масъул ходимларга нисбатан ижро интизомини бузганлик учун тегишли таъсир чоралари қўлланилганлиги айтиб ўтилди.

Агентлик марказий аппаратида иш юритишни таъминлаш борасида муайян ишлар амалга оширилиши билан бирга, айрим ҳолатларда баъзи камчиликларга ҳам йўл қўйилганлиги, яъни, Агентликка келиб тушган ҳужжатларни қайд этиш дафтарларида ҳужжатлар қачон олинганлиги, ижро муддати, нагжаси ҳақидаги маълумотлар, тўлиқ қайд этиб борилмаганлиги айтиб ўтилди.

Шунингдек, Агентлик томонидан ҳужжатларни ижрога қаратиш, буйруқларни ўз вақтида қабул қилиш ҳамда жойларда уларнинг ижросини ташкил этиш масалаларига жиддий қаралиши билан биргаликда, келиб тушган айрим нозорат ҳужжатларини ижроси юзасидан ишлар талаб даражасида ташкил этилмаганлиги. Масалан, Ўзбекистон Республикаси Вазирлар Маҳкамасининг 2016 йил 12 августдаги “Электрон ҳукуматнинг идоралараро маълумотлар узатиш тармоғини ташкил этиш чора-тадбирлари тўғрисида” 262-сон қарори ижроси юзасидан Агентликнинг 2016 йил 16 августда 261-буйруғи қабул қилинган ва чора-тадбирлар режаси тасдиқланган бўлсада, ижрочи томонидан мазкур чора-тадбирлар режасининг 2-бандида идоралараро тармоқдан самарали фойдаланиш бўйича Агентлик тизимидаги масъул ходимларни ўқитиш ва уларнинг малакасини оширишни ташкил этиш белгиланган бўлсада, агентликнинг масъул бўлинмаси томонидан ҳеч қандай ишлар амалга оширилмаганлиги таъкидлаб ўтилди.

Бундан ташқари, Ишчи гуруҳ томонидан Ўзбекистон Матбуот ва ахборот агентлигининг таркибига кирувчи Ўзбекистон нашриёт-матбаа ижодий уйи ва Г. Ғулом номидаги нашриёт-матбаа ижодий уйларида иш юритиш ва ижро нозоратини ташкил этиш масалалари ўрганилиб ушбу корхоналарда ҳам хато ва камчиликлар мавжудлиги баросида айтиб ўтилди.

Ҳусусан, ҳужжатларни рўйхатга олишда камчиликларга йўл қўйилган, ҳужжатларнинг ижро ҳолати, муддатлари ва йиғмажилд тартиб рақамлари каби айрим мажбурий реквизитлар журналларда қайд этилмаганлиги.

Ҳужжатларни ўз вақтида ижрога қаратиш, уларни ижросини изчиллик билан таъминлаш борасида ўз қарорлари қабул қилинмаган ва қабул қилинган қарорлар эса 2-3 банддан иборат ҳамда уларнинг ижроси таъминланманган.

Ўзбекистон Республикаси Бош вазири томонидан имзоланган мажлис баённомаларида берилган топшириқларнинг ижросини таъминлаш борасида 2015 ва 2016 йилларда корхонага келиб тушган 24 та баённомаларнинг айримлари муҳокама этилмаган.

Жумаладан, Агентлик ва ўрганилган тизим корхоналарида Жисмоний ва юридик шахсларнинг мурожаатлари тўғрисида”ги Ўзбекистон Республикаси Қонунининг ижроси бўйича амалга оширилган ишларнинг аҳволи ўрганилган. Ўзбекистон

Республикаси Бош вазирининг жисмоний ва юридик шахсларнинг мурожаатларини кўриб чиқиш бўйича ишларнинг ахволини яхшилаш тўғрисидаги топшириқлари агентликнинг мутасадди раҳбарлари ва масъул ходимлари иштирокидаги йиғилишларида атрофлича муҳокама қилинган ҳамда тегишли чоралар кўрилган. 2016 йилда Агентликка жисмоний ва юридик шахслардан жами 219 та мурожаатлари тушган бўлиб, ўтган йилнинг шу даврига нисбатан 6,2 фоизга камайган. Агентлик масъул ходимлари томонидан мурожаатларни конун доирасида кўриб чиқиш билан бир қаторда хато ва камчиликларга йўл қўйилганлиги, уларни ўз вақтида бартараф этишга етарли даражада эътибор қаратилмаганлиги ҳолатлари ҳам кўзатишган.

Агентликда 2016 йил давомида Ижро интизомига риоя этилиши масалалари маълумот ва ҳисоботлари таҳлил қилиниб, белгиланган муддатда Вазирлар Маҳкамасига тақдим этилди.

Вазирлар Маҳкамасининг 2017 йил 14 январдаги “2016 йилда ижтимоий-иқтисодий ривожланиш якунлари ҳамда 2017 йилга мўлжалланган иқтисодий дастурнинг энг муҳим устувор йўналишлари”га бағишланган мажлис Баёни, Вазирлар Маҳкамаси Ёшлар сиёсати, таълим, маданият ва спорт масалалари Комплексининг 2017 йил 6 январдаги (08-08-8-сон) мажлисида ҳамда Вазирлар Маҳкамасининг 2017 йил 16 январдаги 12-11-21 сон (ўрганиш натижалари бўйича) топшириқ хатида берилган вазифа ва топшириқлар инobatга олиниб, Агентликнинг асосий фаолият йўналишлари ва ваколатларини амалга ошириш, соҳани ривожлантириш ва қонунчилик талабларига риоя этиш борасидаги вазифалари ижросини таъминлаш мақсадида 2017 йил биринчи ярим йиллик Иш режаларининг ишлаб чиқилганлиги кайд этилди.

Ҳайъат йиғилиши кун тартибидаги **масала** бўйича берилган маълумотлар ва билдирилган фикр-мулоҳазалар муҳокамаси асосида **қарор қилинди**:

1. Вазирлар Маҳкамасининг 2017 йил 14 январдаги “2016 йилда ижтимоий-иқтисодий ривожланиш якунлари ҳамда 2017 йилга мўлжалланган иқтисодий дастурнинг энг муҳим устувор йўналишлари”га бағишланган мажлис Баёни, Вазирлар Маҳкамаси Ёшлар сиёсати, таълим, маданият ва спорт масалалари Комплексининг 2017 йил 6 январдаги (08-08-8-сон) мажлиси баёни ҳамда Вазирлар Маҳкамасининг 2017 йил 16 январдаги 12-11-21 сон (ўрганиш натижалари бўйича) топшириқ хати раҳбарлик ва ижро учун қабул қилинсин.

2. Вазирлар Маҳкамасининг ишчи гуруҳи томонидан ўрганишда Агентликнинг марказий аппарати ва ўрганилган НМИУларда иш юритиш ва ҳужжатлар ижросининг назорат қилиш, шунингдек жисмоний ва юридик шахслар мурожаатлари билан ишлашда камчиликларга йўл қўйилаётганлари кўрсатиб ўтилсин. Вазирлар Маҳкамасининг ўрганишлар якуни билан Агентликнинг 2017 йил 16 январдаги кенгайтирилган йиғилишида кўриб чиқилганлиги ва масъул раҳбар ходимлар катъий огоҳлантирилганлиги инobatга олинсин.

3. **Ўзбекистон матбуот ва ахборот агентлиги Умумий бўлим бошлиғи (Ҳ.Ташмурадов)**нинг Агентлик тизимидаги корхона ва ташкилотларда 2016 йилнинг 4-чорагида ижро интизомига риоя этилиши мониторинги якунлари, бу борада ҳудудий бошқармаларда ўтказилган мақсадли ўрганишлар натижалари тўғрисида ҳамда Агентликнинг 2016 йил II-ярим йиллик иш режаларида белгиланган вазифаларнинг бажарилиши борасида ахбороти маълумот учун қабул қилинсин.

Ўзбекистон матбуот ва ахборот агентлигининг 2017 йил I-ярим йиллик Иш режаси, 2017 йилнинг I-ярим йиллигида ўтказиладиган мақсадли ва комплекс ўрганишлар режаси, Агентлик Ҳайъатининг 2017 йил I-ярим йиллик Иш режаси

ўрнатилган тартибда тасдиқга киритилсин ва тегишли буйруқ билан ижрога қаратилсин.

4. Агентлик Иш режаларида белгиланган чора-тадбирлар ҳамда ўтказиладиган мақсадли ва комплекс ўрганишларнинг сифатли ва белгиланган муддатларда бажарилишини таъминлаш учун Марказий аппаратнинг бошқарма ва бўлим бошлиқларининг шахсан масъул эканликлари белгилаб қўйилсин.

Агентлик Ҳайъатининг 2017 йил I-ярим йиллик Иш режасида кўрсатилган масалаларга тааллуқли ҳужжатларни Ҳайъат регламентиға мувофиқ белгиланган муддатларда тайёрлаб, ўрнатилган тартибда Умумий бўлимға тақдим этилишини таъминласинлар.

5. Тизимдаги барча нашриёт-матбаа ижодий уйлари, “Ўзбекистон миллий энциклопедияси” давлат илмий нашриёти раҳбарлари, ҳудудий бошқармалар, газета-журналлар таҳририятларига:

бир ҳафта муддатда 2017 йил I ярим йиллик Иш-режаларини ишлаб чиқиш ва тасдиқлаш;

жорий йилнинг **30 январга қадар** ижро интизомининг ҳолатини янада чуқур ўрганиб, йиғилишларда мониторинг натижаларини танқидий муҳокама қилиш;

2017 йил 3 июлидан кечиктирмасдан Агентлик иш режасида белгиланган тегишли тадбирлар бажарилиши тўғрисида ахборот ва 2017 йил II-ярим йиллиги Иш режаси лойиҳасига тақлифлар тақдим этиш;

ижро интизомини мустаҳкамлаш масалаларига юзаки ёндашишга йўл қўйган ҳамда ўз хизмат вазифаларига нисбатан масъулятсизлик билан ёндошган ходимларга нисбатан қатъий интизомий жазо чораларини кўриш;

фаолиятга оид Ўзбекистон Республикаси Қонунлари, Ўзбекистон Республикаси Президентининг Фармонлари ва қарорлари ҳамда Ҳукумат қарорлари, фармойиш ва топшириқлари бажарилишини таъминлаш бўйича олиб борилаётган ишларни янада сифатли бажарилишини таъминлаш;

ижро интизомини янада мустаҳкамлаш, юқори турувчи идора ва ташкилотларға тақдим этилаётган ҳужжатлар сифатини янада яхшилаш юзасидан ходимлар масъулиятини ошириш вазифалари юклансин.

6. Кадрлар ва мутахассислар тайёрлаш бўлими (Н.Акрамова), ҳудудий бошқарма бошлиқлари, “Ўзбекистон” (М.Зайтаев), “Ўқитувчи” (Р.Худайкулов), Ғафур Ғулом (Л.Тангриев), Чўлпон номидаги (У.Ишмухамедов) НМИУ, “Ўзбекистон миллий энциклопедияси” ДИН (Қ.Маҳкамов), Кўзи ожизлар босмаҳонаси (М.Султанов) раҳбарларига:

- марказий аппарат ва қуйи тизимдаги корхоналарда кадрлар захирасини доимий шакллантириш, лавозимларға киритилган номзодлар билан мунтазам равишда ишни самарали ташкил этиш, уларни иш участкаларида стажировка қилиш ва салоҳиятини оширишга алоҳида эътибор қаратиш;

-қушимча иш ўринларини яратиш ва таълим муассасалари битирувчиларини иш билан таъминлаш юзасидан белгиланган вазифаларни сўзсиз бажарилишини таъминлаш;

- корхонада ёш мутахассисларнинг касбий кўникмаларини орттириш ҳамда етук мутахассислар тайёрлаш мақсадида мураббийлик (устоз-шоғирд) асосида касбға ўргатишни кенг йўлга қўйиш;

- ходимлар учун қулай шарт-шароитлар яратиш, уларни моддий ва маънавий жиҳатдан рағбатлантиришни янада кучайтириш юзасидан чоралар кўриш вазифалари юклатилсин.

7. Умумий бўлим (Х.Ташмурадов) ва Ижро назоратига:

- Ўзбекистон Республикасининг “Жисмоний ва юридик шахсларнинг мурожаатлари тугрисида”ги Қонуни талабларидан келиб чиқиб, марказий аппарата ва таркибий бўлимларда ижро интизоми, ҳужжатлар билан ишлаш тизими, фуқароларнинг ёзма ва оғзаки мурожаатларини қуриб чиқиш ҳолатини мунтазам равишда танқидий ўрганиб бориш;

- тизимдаги корхона ва ташкилотлар ҳамда ҳудудий бошқармаларда ижро интизоми ҳолатини мақсадли ўрганишни режа асосида давом эттириб, ҳужжатлар билан ишлаш бўйича уларга амалий ёрдам кўрсатиш;

- Агентликнинг 2017 йил I-ярим йиллик Иш режаси бажарилиши бўйича таҳлилий маълумот ва 2017 йил II-ярим йиллиги Иш режаси лойиҳасини 2017 йил 5 июлгача Вазирлар Маҳкамасига тақдим этиш;

- ушбу қарорнинг барча ижрочиларга етказилишини таъминласин ва ижроси юзасидан тақдим этиладиган ҳисоботларнинг белгиланган тартибда назоратини юритиш вазифалари юклатилсин..

8. Мазкур Ҳайъат йиғилиши баёнининг бажарилишини назорат қилишни ўз зиммамда қолдираман.

Баёни ёзди



Х.Ташмурадов